

Cantar de Mio Cid

Fablo myo Çid, el que en buen ora çinxo espada:
„Martin Antolinez, sodes ardida lança:
Si yo bivo, doblar vos he la soldada.
Espeso é el oro e toda la plata.
Bien lo vedes que yo no trayo aver, e huebos me serie
Pora toda mi compana,
Fer lo he amidos, de grado non avrie nada.
Con vuestro cosego bastir quiero dos archas;
Yncamos las d'arena, ca bien seran pesadas,
Cubiertas de guadalmeçi e bien enclaveadas.
Los guadalmeçis vermejos e los clavos bien dorados.
Por Rachel e Vidas vayades de privado:
Quando en Burgos me vedaron compra e el Rey me a ayrado,
Non puedo traer el aver, ca mucho es pesado;
Empeñar gelo he por lo que fuere guisado;
De noche lo lieven, que non lo vean christianos.
Vealo el Criador con todos los sos santos,
Yo mas non puedo e amydos lo fago.“
Martin Antolinez non lo de tarua,
(Por Rachel e Vidas a priessa demandava.)
Passo por Burgos, al castiello entrava,
por Rachel e Vidas a priessa demandava.
Rachel e Vidas en uno estavan amos,
En cuenta de sus averes, de los que avien ganados.